

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیانی
(۱۳۰) غروشدور.

[نسخه می غروش
سنه لکی ۲۰ نسخه در .]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یاؤیلر اعاده اولونماز .

کتابخانه

دینی ، فلسفی ، علمی ، ادبی هفته لقی مجموعه اسلامیه در

والله یهدی من یشاء الی صراط مستقیم

باش محرر
محمد عاکف

صاحب و مدیر مسئول
اشرف ادیب

اتبهون اهدکم سبیل الرشاد

عدد : ۳۷۲

۲۶ ذی الحجه ۱۳۳۶

پنجشنبه

۳ تشرین اول ۱۳۳۴

جلد ۱۵

افکار متخالفه فی آری آری سرد و تنقیده لزوم کورمه مکله برابر
ایچلرندن الک بهم ، اغفال افکاره الک مساعد کوردیکمز یالکز بر
دانه سنی مناقشه ایتمدن کچمکی مناسب عد ایتمورز . بوفکره طرفدار
اولاف ، مسلمان عسکرینک فرط بسالنه اتصافنک حکمتنی فطرت
ومنشای ایجابجه غنایم الله ایتمکه ، طوبراغی منبت و محصولدار ، اقلیمی
لطیف مملکتاره صاحب اولمه ، صوک درجه حریص وهوسکار اولمه سنده
بولیور ؛ بو حرص و تمایله ده اونک شلکسز مملکتلرده ، فیض و طراوتدن
عاری و محصولات طبعیه نامنه برقاچ خرما آغاجله براز ارتدن
بشقه برشی یتشدیرمک استعدادنن محروم قوراق جولارده یتشمش
اولمه سنی سبب کوستریور .

وقایع حربیه اسلامیه به آشنا اولانلر بیلیرلرکه مثلاً عربلر ، که
جناب پیغمبر ایچلرندن یتشمش و دعوت رسالته کنیدیلرندن باشلامش
اولمق دولایسیله ایلک اول قبول اسلام ایتمشدر ، بتون غزوات
وفتوحاتلرنده نه دنیا متاعنه میل ورغبت ایتمش ، نه ده قوماندانلرینه
اطاعتسزلک کوسترمک ، قوانین و نظامات حربیهلرینه رعایت ایتمک ،
محاربه میدانلرنده اخذ موقع ایتمکدن صکره صفرینک انتظامنه
خلل کتیره جک حرکاتده بولمق کبی بر حادثیه میدان ویرمشلردر .
اوت ، واقعا بعض وقعلرده اسلام اردوسی آره سنده ضعف
وهزیمت آثاری کورلماش دکلدر . فقط بونک باشلیجه سببی
عسکردن بعضیلرینک اسلامه اتسابلری هنوز یکی اولدینی ایچون
قلبلرنده ایمان لایقوله یرلشمه مش ، حق و حقیقتی مدافعه یولنده
راسخ قدم اولانلر درجه سنه وارمه ماش اولمه سیدر . نته کم خین
غزوه سنده ده بویله اولمشدی . مسلمانلر تهمنه نک غایت قویتو و باصیق
وادیلرندن برینه اینورلر ایدی . دشمنلری ایسه ده اولجه کله رک
وادینک اویوق ، کیرینتی ، طار یرلرنده بومسو طوتمشلردی . بونلر
کینسکهارندن حیقهرق بردن هجوم ایدنجه مسلمانلر بوزولدیله ، کسه
دونوب یاننده کینک حالنه باقمه جق صورتده مدھش برهزیمته دوچار
اولدیله . سردار معظم (صلی الله علیه وسلم) لرینک یاننده ثبات
ایدنلر قادین ، ارکک ، یالکز ایماننده صادق اولانلر ایدی . حق
ام سلیم (اسلام مجاهده لرندن بری) خنچری الله رسالتاب صلی الله
علیه وسلم افندمزه : «سکا قارشى حرب ایدنلری نصل اولدیریورسه ک
یانکدن قاچانلری ده اوله جه اولدیر ، اونلرده قتله لایق حریفلردر .»
دیور ایدی .

برده عهد رسالته داخل اسلام اولانلر میاننده منافق بر طائفه
واردی . بونلرک کوزلرینی بر طاقم مطالب مادییه دیکمش اولملری ده
بعض وقایعده عسکر اسلامی مشکل موقعده براقش ، اردونک بر
خیلی ضرر کورمه سنه سبب اولمشدر .

عهد رسالته رئیس المنافقین اولان عبدالله بن ابی ورفقاسی
مسلمانلر غنائمه دسترس اولدقجه حضور رسالتپناهییه قوشوب کله رک
حصه لرینی ایستلر ، محاربه سوزی اورتیه حیقنجه ایجاد ایتمکاری

بوندن طولانی عیاشلر الک حادی برخسته لادن ضعیفلارلر ، خسته لاق
مدتلی اوزار ، کسبه طاقت ایتمی امیدى ، کثول استعمال ایتمیلره
نسبتله ، یوزده اللهی تناقص ایله . بونک سببی خسته لاق حالنده غدانک
درجه احتراقندن پک آز اولمسیدر . احتراقاتی اکمال ایتمک ایچون
وجودده بولان مواد مدخره دن صرف اولنور . حالبوکه عیاشک
وجودنده مواد مدخره نک همان همان فقدانى بونلرک ، خسته لاقه مقاومت
ایده مه ، لرینی وایچکی ایچمه ینلرک ، مقاومت ایده بیللمه لرینی انتساج
ایدر . بناء علیه عیاشلرده وفیات نسبتی یوزده اللهی تزیاید ایدر .
کثولک الک شدتلی تأثیراتی جمله عصیه ده تظاهر ایله . کثول
قالله برابر وجودی غدانلیرمق اوزره دوران ایدر وبتون جمله
عصیه یی دماغک مراکز علیاسندن نخاع شوکییه قدر تدریجاً
متأثر ایدر . بوتأثیر کثولک مقدارینه کوره خفیف برتیقظه ، تهییج
ویا شدلی بر صدمه اجرا ایدر . بوتیقظک آثاری هر انسانک مزاجنه
کوره تجلی ایدر . مثلاً حیات بدویه یی اعتیاد ایدن صیجرار ، کولر ،
قوشار ، باغیریر ، یعنی تهییج بر حیوانه بکزه در . اشتغالات عقلیه
وصناعت کلامیه به اعتیاد ایدن نطقار ایراد ایدر ، صاحجلار ، مختلف
تکتهلر سویله ، مضمونلر صرف ایدر . مع مافیه کثول هر ایکسینک
دماغی شدتله متأثر ایدنجه صرعیه دوچار اولمش کبی ییقار .
اسکی کتابلرده مشاهده اولونان بو مثال فلسفی نه قدر حکیماندر .
کویا اوزوم آغاجی ابلیس دیکمش ، آغاج نشو ونما بولونجه
برمایمون ، دها صوکر ا برکوبک ، دها صوکر الری ده بردوموز
کسه رک قانلرینی طوبراغه ایچیرمش . بونک ایچین سرخوش خفت
حرکاتی وهذیان ایله مایمونه ، باغیروب چاغیرمه سیله کوبکه ، دوشوب
قاله سیله خنزیره بکزه ر .
بونلرک هپسی کثولک جمله عصیه به اولان تأثیراتنه مطابقدر :
تبقظ ، تهییج ، فتور .

مسلمان عسکری

مسلمان عسکرینک تاریخده مهم وپایدار بر موقعی ، نا قابل
تغیر خصائصی واردر . عالمک مورخلری ایچنده مسلمان عسکرینی
قورققلق ، قوماندانلرینه اطاعتسزلک تهمتیله شائبه دار کوستره بیللمکه
موفق اولان بر کسه یوقدر . بونلرک هپ مسلمان عسکرینک حرب
میدانلرنده خصملرینه قارشى بر شیرزیان کسیدیکنی ، شدداند موته
قلبنده هیچ بر اندیشه وفور حس ایتمکسزین صالیدرینغی ، دشمن
صفرینه قارشى کیدرکن کوره جکی مقاومت ، آله جنی زخم ألمه قطعاً
اهمیت ویرمدیکنی تسلیم خصوصنده یکزباندرلر .

بر مسلمان عسکرینک حائز اولدینی بو خصائص شهامتک اسبابی
ایضاح خصوصنده مورخلر مختلف فکرلر درمیان ایتمکده درلر . بو

اولدقن سكره بوحكم ، مثلين حكيمه منسوخ اولدى . بوندن بويله برمسلمانك ، خدعه حربه يه توسل ، يا خود برفته اسلاميه استناد مقصديله اولمقسنين ايكي دشمنك او كندن قاچه سنى مشروع كوستره جك هيچ برسبب قالمادى .

ايضا حاتم بسوطه دن آكلاشيلير كه مسلمان عسكرينك قهرمانلغنه سبب اويله غنيمته ، فتح ايده جكي بلادك نعيم ولذاتندن استفاده يه حريص ومتهالك اولمسي دكلدر ، زيرا كوردك كه بوكي تمايلات موضوع بحث ايتديكمز وقايعده مسلمانلرك غاليليرينه خدمت ايتامش ، بالعكس هزيمت وخسرانلرينه بادي اولمشدر .

مسلمانلر مصري فتح ايتمكه كيتديلر . قوماندانلري عمرو بن العاص حربه كيريشمزدن اول ، اسلام اردوسنده مصرى عاده تبعاً ، روماليلر طرفدن منصوب مصر عليا حكمدارى مقوقسه مطلب حربه يي تبليغ ايتدى . مقوقس بو بابده اجراي مذاكراته مأمور برهيت كوندردى . هيت عودت ايدنجه حكمدار عسكر اسلامي نه حالده بولمق قاريني صوره رق شو جوابي آلدى : «اويله آدملر كوردك كه يانلرند بخت حياتدن ، تواضع رفعتدن دها مقبول ومعتبر . دنيا محبت قلبلرندن سيلنمش ؛ يره او طور يورلر ، ديز چوكردك يمك ييورلر ؛ اميرك عادي برفردن فرقي يوق ، رفيقي وضعندن ، حري عيبدن مسچمك ممكّن دكل ؛ نماز وقتي اولونجه هيچ بري اجراي آيندن كرى طور ميور ، اطراف اعضالريني بول بول صو ايله ييقايورلر ، آينلرند حقيقه حيرتبخش بروضع حضور وششوع آيورلر .»

شورايه قدر سرد ايتديكمز ايضا حاتم آكلاشيلدي كه برمسلمان عسكرينك ايم سائر عسكرلرندن تمايزني تأمين ايدن برطاقم خواص ومزالماسي واردر . تاريخ مهارباتك بتون صفحاتنده او كا حاشيت وشهامتده مثل سائر اولمق شرف ولياقتي بخش ايدن او اوصاف و مزالماسي بر كزيده در كه اساسلري شو دوت نقطه ده تمرکز ايدر : (۱) حق يولنده مجاهده . — برمسلمان هيچ وقت مشتهيات نفسيه ، منافع ماديه او غورنده حرب ايتمز . كرك عربلر ، كرك سائر امتلر اسلامي قبول ايتزدن اول ينما كرلكدن ، خصم لريني محو راستيصالدن بشقه بر مقصده حرب ايتزلر ايدى . اسلام ايشي دكيشديردي . اهلنه بويله مقاصد خيسيسه او غورنده جنك وجدالك منفور بر حركت اولديغني طانيندى ؛ قلبلرند يالكز حق حمايه وتايبند او غورنده مجاهده يه ميل ومحبّت او يانديردى . بوشريطة جهادي قرآن مسلمانلره قارشى بر قانون شكلنه قويه رق مخالف حركتي قطعاً تحريم ايتدى «واذ يمدكم الله احدى الطائفتين انهما لكم وتودون ان غيرذات الشوكه تكون لكم ويريد الله ان يحق الحق بكلماته ويقطع دابر الكافرين ايحق الحق ويبطل الباطل ولو كره المجرمون»

بوايت كريمه ، قرآنك مسلمانلره هدف و غايه اتخاذ ايدنم يي فرض قيلديني شى احقاق حق ، ابطال باطل اولديغني كوسترييور ،

بهانه لرله يرلرنده راحت او طور مق ايچون اذن قوبارمق تلاشنه دوشلر ايدى . نته كم احد وقعه سنده عيني حال جريان ايتمشدى . كتيبة اسلام مياننده مسلمانلقلري يكي اولديغني ، عادات جاهليه قلبلرندن هنوز تماميله سيلنمديكي ايچون غنايم ومتروكات حربه يه قونمق حرص وتمايله حركت ايدنلر ، بو حاليله اسلام صفلى آره سنده بوزغونلق وقعه كله منه سبب اولانلرده يوق دكل ايدى . از جمله احد وقعه سنده ، عليه الصلاة والسلام افندمن عسكرى تعبيه ايدر كن تيراندازلره : طاعك اتكنده ، دشمن سواريسنه قارشى اخذ موقع ايتملريني امر ايتمش : «دشمنى مغلوب ومنهزم ايتديكمزي كورسه كزده يرلريكزدن آيرلايكز ؛ سز موقعكزده ثبات ايتدكجه بزم ايچون غايت محققدر» . بيورش ايدى . تيراندازلر رسالتاب صلى الله عليه وسلم افندمنك اردوسيله دشمن صفلى ياروب ياروب ايلروله ديكني كوزونجه آره لرند اختلاف باش كوستردى ؛ بر قسمي سردار اعظم افندمنك امرينه امثالاً موقعلرند ثباته قرار ويرديلر ، جاهل وعامى اولانلر غنايم لذته طيانه ميه رق ساحه قتاله چوللانديلر . محاربلك آرقه سنى حمايه ومدافعه ايده جك برقاج تيراندازدن بشقه كمسه قالمادى . فرصندن بالاستفاده دشمن دونه رك بونقطه دن بر هجوم كوسترمكه اردوى اسلامي تارمار ، مقتول ومجروح برخيلي ضايعاته دوچار ايتدى ؛ حتى قائد اعظم صلى الله عليه وسلم بيله باشي ايله يوزينك برقاج يرندن جريحه دار اولدى .

تاريخ الامك قيد ايتديكي بعض وقايعده بونوع حادثات وقعه ككش ايسده مقدارى ، بارمقلرك عددين تجاوز ايتيه جك درجه ، محدوددر . بوكي حادثه لره ايسه صرف مادي مقصدلره حوزة اسلامه صوقولمش اولان عوام سببت ويرمشدر . بوزمره يي تشكيل ايدنلر يا ايمانلرند صادق اوليان منافقلردن ، يا خود ياقين زمانلرده مسلمان اولدقلري ايچون قلبلرند راسخ وممكن عادات جاهليه يي محو وازاله يه اسلامك هنوز وقت بوله ماديغني جهله عوامدن عبارتدر .

اندلس فتوحاننده هرب اردوسنه التحاق ايدن بر بريلرك طرز حركتلى ده عيني مركزده ايدى . بونلرك غنايم وفيره مواجهه سنده ضبط نفسه مقتدر ارله ماملرى ، هرب اردوسنده جاري اولان نظاماته رحايت قيدنده بولنمامه لرى جيوش اسلامك فرانسه ده شارل مارتلك قارشيسنده دوچار نيكيت اولمهلرينه سبب اولمشدر .

برمسلمان عسكرينه ، ديني ايجانجه ، اون دشمن قارشيسندن فراده مساع بوق ايدى ، واقعاده قرآن ، صبر و سكينتي رهبر اتخاذ ايدن يكرمي مسلم مجاهدك ايكي بوز دشمنه ، يوزك بيكه غالب كله جكي حقنده كي وعدنده صادق اولديغني بر جوق مائر ماديه سيله اثبات ايتدى ؛ وبوقانون مظفريتك بر جوق زمان حكيمى مصرى ومحموظ قالدى . كيت كيده مسلمانلرك عددي جو غاله رق اسلامك موقعي خيليدن خيلي پيداي منانت ايتدكن ، موجوديتنى صارسه جق ، دوام دعوتى تهديد ايدنه بيله جنك حادثاته هدف اولمسي احتمالي بر طرف

شریعت اسلامیہ تک وضعتن مقصود الہی یا لکنز بو اولدینی واضح بر صورتہ اثبات ایدیور .

باعتبار ایله مضمون آیتہ مخاطب اولانلرک کاربان قریشی بد اغتنامہ کچیرمک معطوف اولان اماری قرآنک جیوش اسلامیہ ایچون تعین ایتدیکی مقاصد میانہ داخل اولمادینی حقیقتی کندیلکندن نظائر ایدیور .

خليفة ثاني عمر بن الخطاب رضي الله عنهك زمان خلافتند فتح ایدلمش اولان عراق ، سوریه ، مصر اراضیسی حقتند مسلمانلره واقع اولان تبلیغاتی فتوحات واقعهده اسلامك نقطه نظرینی آشکار بر طرزده تجلی ایتدیرر . جناب عمر جنود اسلامیہ بی اراضی منقوحه تک استیلا و تصرفدن قطعاً منع ایتمش ، اراضی تک احمای یندنه ایفای حقتند قطعی امرلر ویرمشدر .

ابو فراس جناب عمر بن الخطابك بر کون خطبه اثناسنده شو سوزلری سویله مش اولدینی روایت ایتکدهدر : « ایہ الناس انی واللہ ما ارسل ہمالی الیکم لیضربوا ابشارکم ولالیأخذوا اموالکم و لیکن ارسلهم الیکم لیعلموک دینکم و سنتکم و یقضوا بینکم بالحق و یحکموا بینکم بالعدل = ای ناس ، اللہ حقیچون ، سزه طاملریمی سزی دوکسونلر ، ماللریکزی آسونلر دییه کوندرمیورم ؛ دین و سنتک احکامنی اوکره تسینلر ، دعوا کزی طوغر بلقله فصل ایتسونلر ، عادلانه حکم ویرسونلر ، دییه کوندرمیورم . »

فاروق اعظم ابو عیبهنی شام اردوسنه سردار نصب ایتدیکی زمان تعینی متضمن امرنامهیه شوسوزلری درج ایتشدی : « لا تقدم المساین الی هلكة رجاء غنیمة اغمض بصرک عن الدنيا واله قلبک عنها و ایاک ان تهلك کما اهلكک من قبلک = غنیمت الداء ایدنه حکم دییه مسلمانلری تهلکیه صالدرمه ؛ زینت دنیایه قارشی کوزیکی قایه ؛ قلبکی اونکله مشغول ایتمه ؛ حذر ایت که دنیا ، سندن اول کلوب کجاری هلاک ایتدیکی کبی سفی ده ایتسون . »

خليفة مشار اليك قدس اهلینسه کوندرمش اولدینی معاهده نامهده شوقره مندرج ایدی : « هذا ما اعطی عمر امیر المؤمنین لاهل ایلیم الامان . اعطاهم اماناً لا تقسم و اموالهم و لیکنائسهم و صلباتهم ، سقیمهم و بریهم و سائر ملتهم الا تسکن کنائسهم و لاتهدم و لا ینقض منها ولا من شیء من اموالهم ولا یکرهون علی دینهم ولا یضار احد منهم = شو ورقه امیر المؤمنین طرفندن ایلیم (فلسطین) اهلینسه کوندرمش بر اماننامهدر . او ، « بونکله اهللی مجوونهیه جانلری ، ماللری ، کلیسالری ، صلیبلری حقتند امان بخش ایتشددر . صاغلام ، علیل بتون افراد ملت بو حقدن مستفیددرلر . کلیسالری نه مسکن اتخاذه نه هدم اولنه بیلیر نه ده بونلره اموال ساتره لرینک هیئت اصلیه لرینه خلل کتیر یله بیلیر ، دینلرینی ترکه اجبار ایدیلیمیه جکاری کبی ضررلرینی موجب هیچ بر معامله یه ده هدف اولمازلر . »

امیر المؤمنین عمر بو معاهده نامه بی هجرت سنیه تک اون بشنچی سنه

سند ، مسلمانلرک دور جاهلیتلرندن یک اوزاقلاشماش اولدقلری بر صبرده یازدی . فقط قرآن اونلرک قبلرندن آمال مادییه انجذاب تمایلاتی تمامیله سیلمشدی . فتح بلاد خصوصنده جنود اسلامیہ تک تعقیب ایتدیکی غایه استیلا ایتدکلری لرلی اهلینسک لارندن الملق ، ثروت و منافعی نفسلرینه حصر ایتک اولسهیدی ، نه ابو بکر و عمر نه ده دیگر خلفای مسلمین قوماندانلرینه بو یوله توصیه لرده بولنورلر ، او امر شیدیه ویرلر ایدی . و طیمیدر که بلاد مفتوحه اهلینسه اموال و اراضیلرینه تصرف حقنی بخش ایتزلردی . بناءً علیه اسلامده جهادک حکمت تشریعی قرآنک وضع ایتمش اولدینی دستورلره تطبیق ایدیلجهک اولورسه ، یا لکنز حق مدافعه ، باطلی نحو وازاله اساسلرندن عبارتدر ؛ و بر مسلمان ، غنایمه قونمق ، خلقک حقوقنی اللرندن نزاع ایتک کبی مادی بر منفعت سوقیله اقامه حرب حقنی قطعاً حائز دکلددر .

مسلمان عسکرینک حائز اولدینی اوصاف بمیزه اصلیه دن بری بو . (۲) صبر و صابره . — قرآنک بوتکلیفی بتون مسلمانلره شامل ایتسه ده بالخاصه بوا مره مخاطب اولانلر تحت سلاحده بولان کیمسه لردر . صبردن مقصد مشاق و مزاحمه ، جبر نفس صورتیله ده اولسه ، تحمل دکلددر . چونکه ، بوشرط داخلنده کوستریله جک صبر و تحملدن جدی بر فائده بکلنه من . اسلامده صبردن مراد مسلمانک شوق وجدانی ایله مشکلات و مزاحمه قاتلانیه سیدر .

دائماً کوریورز که بر ضرورت و مجبوریت الجاسیله متاعب و مزاحمه تحمل کوستره نلر بولندقلری جمعیقی ده ، کندیلرینه آغیر کان ایشی ده بر اقوب قاجق خصوصنده ایلک الویره جک فرصتی قاجیرمیورلر . محاربه صفرلرندن وقوع بولان فرارلرک ، هر زمان و هر یرده درلو درلو معذرتلر سر دیله خدمت عسکرینه دن صیرلق ایتستیانلرک مهم بر مقداره بالغ اوله سنک سبی ایشته بودر .

قرآن مسلمانلرده ، بالخاصه مسلمان عسکرلرنده اطاعتی بر طبیعت حاله قویق ایتسته مشدر . فقط بونک امره مخالفتک نتایجندن احتراز اساسنه مستند اطاعت دکل ، درونی بر شوق و تهلاک محمولی بر اطاعت اولسنی التزام ایتشددر . بوندن دولای اسلامک عصرلره عائد تاریخ حربنده بر عسکرک صف حربدن فرار ایتدیکندن دولای اعدام ایدلیکی ، یا خود تهلکدن ، حربک ایراث ایتدیکی یورغو نلقدن قور تولق ایچون عذر و بهانه سر دینه قالمیشیدینی بولنده بر حادثیه تصادف ایدلما مشدر .

عليه الصلاة والسلام افندمنر ، عادت سنیهلری ایچانجه بر محاربهیه کیدیلجهکی زمان خلقی طاقم طاقم حضور ها یونلرندن کچیره رک حربیه یارایانلره عجز وضعفرلرندن ، صفر سنلرندن ناشی یارایانلری تفریق بیورلر ایدی . احد وقعه سننده عینی معامله لرینی تطبیق ایتدکلری ائشاده انصار کرامک کنج لرندن بری (ابوسعید الخدری) سفی مساعد اولمادیغندن دولای رسالتاب صلی الله علیه وسلم افندمنک کندینی کری چویرمه سندن قورقورق عسکرلکه الویریشلی اولانلره بر سوبه ده

کور و نمک ایچون آیاقلرینک اوجنه باصه رق بونی یوکسکتمکک چالینشدی . اسلام ، ایشته بویله قلدن دوغمه برشوق و خواهشله مکاره صبر و تحملی منسوبینده بر طبیعت راسخه حالته کتیرمشدر .

بر مسلمان مشکلاته قائلانیر ، مکاره سینه کشای صبر و تحمل اولورسه بونی قرآنک وعدی موجبجه جناب حقک دائما صابرلرله برابر اولدیغه ایمان و اعتقاددن منبعث بر منانت دیندارانه ایله یاپار . بوکا بنساءدرکه براضطرار ونلا کته دوچار اولانلرک ، محاربیلرک « ان الله مع الصابرين » جمله سنی ورد زبان تسلی ایتدکاریخی کورودوز . هر حالده کرچک مسلمان اولان برکسه حرب و امثالک استلزام ایتدیکی متاعب و مشکلاته اوله آغیر جزالردن احتراز سوقيله قائلانمق مجبوریتهی حس ایتمز . اونی بوکی محن و اضطراراته کوکل خوشلغیله کوکس کر مکه سوق ایدن برشی وارسه اوده صبر ایدنلره جناب حقک یاردیمی اولدیغه ، بالکیز رضای نفس و سکون خاطرله کوستریله چک جدیدیت و متانتک رضای باری به نائلیت بختیارلغنه ایصال ایده بیله چکنه دائر قرآنک ایتدیکی وعدلره صمیمی اعتقادلریدر .

(۳) آزه قناعت . — مسلمان عسکرینک مدارتیمیزی اولان سجاای فاضله دن بری ده ساده بر حیاته ، کفاف درجه سنده بیه چکه ، ایچه چکه ، کییه چکه قناعت ایتمه سیدر . حیاتی ادا مه ایده بیله چک بر قاج لقمه ایله صغوقک شدتندن قورویه جق بر خرقه بر اسلام عسکرینک احتیاجات حیاتیه سنی تأمین کفایت ایدر . بومتوکلانه و قناعتکارانه خصلتک سائقی ایسه بدیهی درکه آن ولادتندن اعتباراً بتون اطوار حیاتنده صبر و تحملی عزمنه رهبر اتخا ذ ایتمه سیدر . کوریورز که مثلاً بر فرانسز ، برانکلز روز بفته ، بوفتکنه وارنجیه قدر اتی یمدکجه ، سواره لره ، تیاترولره ، بالورله یا قیده بیله چک درلوا ایچکیلره معده سنی طولدیر مادجه حرب ساحه لرینه طوغری آدیمی آتماز . اسلام عسکرینه کله لم ، آجیدقجه آغزینه آتمق ایچون طوزله قاریشمش بر آووج آرپه ویا داری اونک غذا احتیاجی تأمین ایدر ، حرارتی باصدیرمق ایچون بر قاج یودوم تمیز صوبشق هر درلو مشروب ایدن استغنا حاصل ایتدیرر . بر مجاهد مسلمک صیرمه لی قلیج کمرلینه ، مزین قلیج لره ، آغیر قاشلردن ، صو ک موده یه موافق اوله رق کسیلوب ییچلمش ششیق اثوابلره نه احتیاجی وار ؟ خایر ، خایر ، او ، بیه چکنده ، ایچه چکنده ، کییه چکنده ، خلاصه هر نوع احتیاجات حیاتیه سنده الک ساده شیلری کندیته کافی کورر .

المزده جانلی مثاللر وار کن اتم ماضیه یه عائد جنود اسلامیه دن مثال ایرادینه نه احتیاججز وار ؟ سنوسیلر یکریمی سنه دنبری وادی ده ، نشاد حواله سینده فرانسرلره ، طرابلسده ، مصر اطرافده ایتالیان وانکلز لره متمادی محارباتده بولنیورلر . فقط نه بیوب نه کیورلر ؟ بو مجاهدلر ایتالیایی بفتک و مقارونیا ایله مقهور و مغلوب ایتدیلر . فرانسرلره صیرمه لی اکرلر ، مذهب کمرلر ، طار لباسلره قارشی قویما دیلر . سیوه و واحه لرده صوده ووسیکی ایله ، ارغوانی پله رینلره انکلز لره

مظفر اولما دیلر . بلکه ناز و نعمته قارشی هفت واستغنا کوسر مکله ، حوائج معیشته مقدار کفایه راضی اولقله بویله قوتلی دشمنلره مقابله مت ایتدیلر . اونلر هپ بو مجاهده لری اثناسنده آرپه و خرما بیورلر ؛ بعضیلری آجی اولق شرطیلر ، قویو صوی ایچورلر ؛ سرت ، قبا کوسترشمنز لباسلر کیورلر ایدی .

سنه لردن بری بر سلسله محاربات ایچنده حیانتکذار بولنان عثمانلی عسکریده آسیاده ، آفریقاده ، اوروباده کچیردیکی وقایعک کافه سنده دوست ، دشمن بتون انسانلره مجسم قناعتک ، نهایتسز صبرک ذی حیات بر تمثالی کوسترمشدر . آجیدقینی زمان اندیشه و فتور کوسترمک ، مشاق و مزاحمدن اوصانچ کتیرمک ، صوسز قالدینی وقت تلاش و ولوله ایتک عثمانلی عسکرینک حیات حربنده تصادف ایدلمش بر حادثه دکلدر .

خلاصه بر مسلمان عسکری آلدینی تربیه دینه مقتضاسنجه آزه قناعت ایتک ، چوغه کوز دیکمامک سجه سیله متحلی درکه بونی اسلام اردولرنده بولنه رق حال و ماهیتنی کوزلجه تدقیق ایتش اولانلر اعتراف و تسلیم ایدرلر .

اساساً مسلمان عسکری نظرنده جناب حقک مجاهدینه وعد ایتش اولدینی نعم باقیه نسبتله موقت ناز و نعمتک نه قدر و قیمتی اوله بیلیر ؛ مسلمان عسکری حربه کیردیکی زمان حیات فانیه دن حیات باقیه یه ، نعیم سوریدن نعیم حقیقی یه چکمک ، انواع مکاره ایله محاط بر محنتخانه دن صفای جاودانی اساسی اوزرینه قورولش برکاشانه یه کوچک ، عقلاری محاکمه لرندن ، بدنلری تاب و توانندن ، حیات اجتماعی بی انتظامندن محروم ایتک کبی تأثیرات مسمومه یی حائز دنیا مشروباتی فدا ایده رک بزم بقانک بی خار جام نشوه و صفاسنه قاووشمق املیه کیرر .

مسلمان عسکری حربه کیردیکی زمان نصفی شب مظلم بر حیاتدن مجموعی روز روشن بر حیاته ؛ ملوثی نزهت ، مفسدی مصاحنه قاریشمش بر محیطدن ، نافک مضر دن سچلیدیکی ، اهل جنتک جنتده ، اهل نارک ناردده اخذ موقع ایتدیکی بر محیطه قاووشمق ایچون کیرر . مسلمان عسکری حربه کیردیکی زمان کنیشلیکی ایله برابر مقسی و مغموم ، طاتلیغیله برابر آجی و مسموم اولان ، سعادت و شقاوتندن یروفاجر ، شا کرو کافر هر فردی متساویاً نصیبه دار ایدن بر معیشتخانه دن ایریلوب مدخلی طار فقط محیطی کنیش بر فسحتسرای ، مفسد لرک ابدی شقاوته ، مصلحتلرک دائمی بر نعمت و سعاده مظهر اولدقلری بر آشیان ابدی بی مسکن اتخا ذ ایده چکنی یقیناً بیله رک کیرر .

مسلمان عسکری حربه کیردیکی زمان خیر و منفعتی قوت و سطوت اربانه ، جور و آلامی ، مروت و حسن سیرت ارباندن اولسه لرده ، ضعفا یه مقصور اولان بر خانه دن چیقوب فسحت ازلیه نک مناعم و لذاتی رذائت اخلاقیه دن تنزه ایدنلره صفا و سعادت بر واستقامت اربانه تخصیص ایتش اولدینی بر ماوای جاودانی یه کیده چکنی بیله رک کیرر . مسلمان عسکری حربه کیردیکی زمان رضای دائمی بر نعمت ،

رحمتی مؤمن قولاری ایچون غایبہ سعادت اولان خالقنک خوشنودینی
فازانه جغتده شک وشبهه سی اولمایه رق کیرر .

براسلام عسکری بویله حقیقی وصیمی افکار واعتقادات ایله
ساحه حربیه آتیلدقدن صکره اونک قورقوندر بیلیمکسزین دشمن
صفارینی یاروب ایلروله مه سنده ، اندیشه نجات حسن ایتیمکسزین آتش
حربک کوبکنه صالیرمه سنده شایان تعجب نه کبی بر حال تصور
اولنه بیلیر ؟

جنود اسلامیه دن برینک ، وعد قرآن موجبه بتون روحانی
نعمتاره برآنده قاووشمه سنی کافل اولان شهادتدن بشقه برشیه عطف
لحاظه رغبت ایدرک حربیه کیردیکنه پک اندر تصادف اولنه بیلیر .
بناء علیه مسلمان عسکرینک نشان آلق ، عسکری یوکنک رتبه لر
قازانلق ، فوقنده کی امرای عسکرینه نک توجهلرینه مظهر اوللق املیه
شداند حربی اقتحام ایتدیکنی ظن ایتک فاحش برخطا اولور .

محاربانده جنود اسلامیه نک « الله اکبر » کلمه سنی شمار (باروله)
اتخاذ ایتمه سنک حکمتی بودر . آهنگ عظمت وجلالتی قارشیمسند
قلبری لرزه دار مهابت ایدن علویت مآلی بالجله مقاصد دنیوییه یی
هیچ مرتبه سنه ایندیرن بوکلمه علیانی بلند آواز ایله تکرار ایدرک
شونی افاده ایتک ایسترلرکه کائناتده اللهدن بشقه هیچ برامل ومقصد
یوقدرکه شهید اوللق ، جان ویرمک کبی واسطه لرله استحصالنه
چالیشله حق قدر بردر و قیمتی حائر اولسون ؛ یولنده جان فدا
ایدیلرک مقصد اعلی ، غایه عظمی وارسه اوده الله ذوالجلالدر .

(۴) رؤسایه اطاعت . — اسلام عسکرینک خصائصندن بری ده رئیسک
او امرینه اطاعتدر . آنجق عسکری بو اطاعته سوق ایدن آمرندن
قورقمه سی ، یا خود اوندن بر لطف وعاطفت امید ایتمی دکلددر . یکانه
سائق اونک رؤسایه اطاعتی الله اطاعت ، اونلرک او امرینه امتثالی
برنوع عبادت ماهیتده تلقی واعتقاد ایتمسیدر . حقیقت حالده بو
اطاعت کیفیتی یالکسز عسکره خاص اولیوب طبقات اسلامیه نک کافه سی
رؤسایه قارشیه عینی حسن ایله حرکتی بروجیه تلقی ایتمکده درلر .
« یا ایها الذین آمنوا اطیعوا الله واطیعوا الرسول واولی الامر منکم » نظم
کریمنک صراحة دلالت ایتدیکنی وجهله اولی الامر اطاعت ایستر عسکر
اولسون ، ایستر صنوف سائریه منسوب بولسون ، عامه ، سامین ، اوزرینه
فرضدر . اساساً قرآن رسول کزینک اوامر ونواهیسنه ، تکلیف
واحکامنه اطاعت ایدرک الله اطاعت ایتمش اوله جغتی صراحة بیان
ایتمکده در . بوکا بناء درک زمره مسلمیندن اولان اولی الامرک
صاحب شریعت صلی الله علیه وسلمدن صادر اولان احکامه موافق
اوله رق اصدار ایدر جکری اوامر اطاعت نوعاً جناب حقه اطاعت
واکاتقرب ماهیتده در .

خلاصه اسلام عسکری هیچ بروقت رئیس و آمرینه عصیان
ایتمکی آرزو ایتز ؛ چونکه بو ، اونک نظرند جناب حقه عصیان ایتک
دیکدر . وبواعقاد سایه سنده درک بر مسلمان عسکری رؤسانک

او امرینه انقادی دینی و وجدانی بر وظیفه تلقی ایدر ، منسوب
اولدینی شریعت نظرند مجرم و کهنکار اولمقدن قورقدینی ایچون
امرایه مخالفتی هیچ برکونه خاطرندن بیله کچیرمز . اساساً « اذا
استفترتم فانفروا » اعلان نفیر ایدلرکی زمان هان حرکت ایدیکز .
حدیثی و « لاتنفروا یعذبکم عذاباً الیماً وایستبدل قوماً غیرکم » « اذالقیم
فته قاتبتوا » وامثالی آیتلرله قوانین لاهوتیه عسکریه نک وضع وتقریرینی
بالذات شریعت تکفل ایتشددر .

دین اسلام رؤسایه مخالفتی او امرالهییه مخالفت تلقی ایتدیکنی
ایچون خلفای مسلمین عقوبات زجریه عسکریه مسئله سی حقنده
برقرار اتخاذه لزوم بیله کورماملرددر . چونکه نظرلرند عسکرک
اطاعتی طبیعی ومطرد بر کیفیت اولوب بونی اخلاص ایدرک حادثاتک
وقوعی هان غیر قابلدر .

اطاعتی اسلام عسکرند طبعیت راسخه حاله کترین اسبابدن
بری ده قوانین شرعی عسکریه نک هیچ بوجهله رؤسایه افرادک
حقوقه تجاوز صلاحیتی ویرمادی ، امرلرینه قارشیه افرادی حق
حریتندن محروم ایتماه سیدر . نظر شریعتده امرای عسکریه ایله
افراد آره سنده کی علاقه ومناسبت بابا ایله اولاد آره سنده کی علاقه
ومناسبتدن قطعاً فرقی دکلددر . بناء علیه مسلمان بر ضابطه معیتنه
حقسارتی موجب اوله حق ، عزت نفسلرینی جریحه دار ایدرک
طرزده معامله ایتک ، وسع وطاعتلرینک فوقنده تکلیفلرده بولنلق
حق وصلاحیتی غیر حائزدر . شوراسنی ده اخطار ایدرک که عدل
وانصاف اساسلرینه مستند اولان بومعامله مشفقانه لیاقت مسئله سی
شریعت اسلامیه نظرند شو ویا بو فرقیه خاص اولمایوب بتون
مسلمانلر بوکی خصوصیتده عینی حقوقی حائزدرلر ، عسکر اولوب
اولماه نک هیچ بر تأثیری یوقدر .

رسالتاب صلی الله علیه وسلم افندمنر حیات فانییه وداع ایتزدن
اول ابراز ایتدیکنی صوک خطبه ده شویله بیوریور ایدی : « یا ایها الناس
من کنت جلدت له ظهراً فهذا ظهري فایستقد منه ومن کنت شتمت له
عرضاً فهذا عرضي فلیستقد منه ومن أخذت منه مالاً فهذا مالی فلاأخذ
منه ولا یخس الشحاء من قبلی فانما الیس من شائی » ای ناس ، کیمک
آرقه سنه بر دکنک ووردم ایسه ایشته آرقم ، کلسین
حقنی آلین . کیمک خاطرینی رنجیده ایتدمسه اوده بکا عینله مقابله
ایتسون . کیمک برمالنی آلدسه ایشته مالم ، اوده آلین . بنم کندیته
کین باغلامه مدن قورقاسین . چونکه او ، بنم ایشم دکلددر . « ایشته
رسالتاب افندمنر بوکی کلمات زرین ایله رؤسا ایله اتحاد آره سنده
انصاف وانتصاف قاعده لرینی اساسلی بر صورتده وضع وتقریر بورددر .

نته کم ینسه اونبی کزین « لاتزال امتی بخیر ماوقر صغیر هم کیرهم
ورحم کیرهم صغیر هم » ایتک کوچوکی بیوکنه حرمت ، بیوکی
کوچوکنه مرحمت ایتدکجه حاللری کون کوندن ابی اولور . « حدیث
شریفله ده بزه بیوکنک کوچوکه رحم وعاطفت ، کوچوکنک بیوکه

توقیر و حرمت حتی بسله ملری سعادت اجتماعیك ، مفتاحی ، سیاست
عمومیة و خصوصیتك روحی اولدیغنی ایضاح و بیان بیورمشدر .
شام اردوسی سرداری ابو هیئده امیر المؤمنین عمر بن الخطاب
بر مکتوب یازمه رق آب و هوایی لطیف اولدیغنی ایچون راحته میل
ایدر لر قورقوسیه عسکرکی انطاکیهده او طور تمامق فکرنده بولندیغنی
عرض ایلشدی . جناب خلیفه دن شو بولده بر جواب آلدی : « هوایی
کوزل اولدیغنی ایچون انطاکیهده او طور تمامق فکرنده بولندیغنی
بیلدیریورسکز ؛ پك انی اما جناب حق » یا ایها الرسل کلوا من الطیبات
و اعملوا صالحا ، فرمانیه اعمال صالحهده بولان ارباب نقوایه طبیائی
حرام ایتماش اولدیغنی ، کلاتیور ، خایر ، سکا دوشن وظیفه عسکره
راحت ایتدیروب یورغونلق آلدیرمق ، بول بول ییوب ایچهرک
مقاتله اوغورنده بی تاب قلان وجودلرینه بر آزار اعاده قوت ایتدیرملری
ایچون مساعده کارانه حرکت ایتک ایدی . .

ایشته مسلمان عسکرینک ماهیتی ، اونک مناقب حاست و شهادتی
دیللرده داستان ایدن خصائص فاضله ، مزایای برکزیده سی بو مرکزده در .

عبدالعزیز چاویش

دفتر خاطراتنامه :

بایرامده نیچون آغلادام ؟

بالطبع حساس کوکالو آدمه هرشی تأثیر ایدر ؛ او حساسیت
دائما اونی آغلایر ، یاخود کولدورر .

دها بشیکده ایکن ابوینم مسلمانانق حسیاتی قلبه تلقین ایتیه
باشلادی . صوکره مکتبه ، مدرسه یه کیدنجه اوراده کی استادلرم ؛
او قودیم کتابلر ، مطالعه ایتدیکم ادبیات ؛ یا شادیم محیط ... حاصلی
هرشی بو حسیاتی تقویه ایتدی ، اسلام محبتی قلبه یراشدیردی .
بوترینه نك تأثیری ، بو حسك سائقه سیله درک عمرمك بشده بر قسمی
اسلامه دشمن برملکک اردوستده کچردیکم حالده ، پاپاسلر خرستیان
عسکرلرله برلکده مظفریت دعالری یابدقلمی برزمانده ، بن و بنم
دین و عرقداشارم « اللهم انصر الاسلام » دعالرینی تکرار ایدر
طوروزدق .

تاریخ وقوطاتك تکررندن عبارت اولدیغنی کبی ، طالعده مقدراتك
تبدلندن عبارتدر . ایشته طالع بنی بوکون استانبولده بولوندریور .
بوکون بایرام : مسلمانلرک مقدس برکونی ، دارالخلافهده بولونیورم .
چو قلممدن بری بسله دیکم امل بوکون تحقق ایدیور . قاچ بیلدیر
بن بوکونک اشتیاقیه متحسین ایدم . اوچ یوز میایون مسلمانلک
مرکز خلافتی اولان استانبولده بایرام نمازی قلمق ، بنم ایچونک
بو یوک برامل ، الک متحسری بولوندیغیم بر سعادت ایدی :

چو قلق زمانلرده بابامله برابر بایرام نمازینه کیدیورق . شملک
قارا کلق اورمانلری ایچنده بولونان کویمک جامعنه کیدیکمز زمان
اومزک دیوارنده آسیلان « آياصوفیه » جامع شریفک رسمی کوزمک
اوکنه کایر ، اونک خیالیله کندمدن کچردم . بایرام نمازی کیم بیلیر
ناصل قیلیر ؟ دییه تحسری بابامه سولاردم . اوده :
— عمرک اولورسه ، یاوروم ، بلسکه بر زمان کایرده استانبوله
کیدر ، کوزورسک ...

دیزدی . بوکون هپ او خاطرملر جانلانیور ، جانانه قاروشان
برخسرتزده سروریه سریمست بولونیورم . هواده نه قدر کوزل ؛
نه لطیف بر جنوب روزکاری آسیور ؛ هر طرف بایراقلره دونادیلش ،
نابی نك دیدیکی کبی :

نه قدر عالی دور ایتسه سپهر
بولماز استانبوله بکزر بر شهر .

آرقداشلرمدن بریسیله اونک ارزو ایتدیکی جامعنه کیدیورر .
قام پك هیجانلی . حضرت خلیفه نك دیارنده بولونیورم . مرکز
اسلام اولان استانبول جامعلرینه کیدیورم . کیم بیلیر ، نه یوکسک
سوزلر ایشیده جکم ، نه هیجانلی موعظه لر دیکله یه جکم ، نه منور اسلام
سینازی کوره جکم ...

بو خسارله جامعنه کیدرم . برده نه کوردهیم ، بوتون جامع عسکرله
طلو . عسکردن باشقه کیمسلر یوق . بلا اختیار صوردم :
— بونه حال ؛ بو جامع عسکرلره می مخصوص ؟

— خایر اقدیم !

— یوقسه هپ آدملرکز عسکر می ؟

— خایر اقدیم !

— نه غریب حال ؛ عسکر اولمایانلرکز جامعنه کیتمیور می ؟

— ...

هرنه ایسه تکبیرلر تکرار ایدیلدی . نهایت یاواش یاواش خطوه لرله
منبره کان صاریقلی برافندی مسلمانلرک کیم بیلیر قاچنچی دفعه اوله رق
قیلمقده اولدقلمی بایرام نمازینک نیتی ونه صورتله قیلنه جفنی تعریف
ایتدی . آویومش اولان اهالی در حال قالدی . نماز قیلندی . بر
قاچ سوز خطبه او قوندی . آمین دیندی ، اولدی بیتدی . صوردم :
— وعظ و نصیحتلر ، مسلمانلری فعالیت و سعاده دعوتلر ، مؤسسات
خیریه و اولاد شهیدیه امانه طوبیلاملر ... بز کلنجه نه قدر بونلر
هپ اولش بیتمش می ؟ ...
— خایر اقدیم .

جامعمدن چیقدق . او طه « عودت ایدیورم . ذهنم شو سؤاله
جواب ویرمکه مشغول ؛ هجیا هانکیاری شریعت خادمی ؛ هر جمعه
وبایرام نمازلرنده منبر اوزرندن سناعتلرجه قرآنک امرارینی تبلیغ
و تلقین ایدن ، دینی نطقلر ایرادایله ملت رهبرلک ایدن ، ملیوتلرجه